

**PRAYER**

- Ipagdasal ang mga mag-asawa na iyong kilala na magkaroon sila ng kakayahan at dunong na protektahan ang pagiging eksklusibo ng kanilang pagsasama.



# VICTORY

**Honor God. Make Disciples.**

Pinahihintulutan ang pagkopya ng lathaing ito na galing sa Victory® para sa kagamitan ng lokal ng simbahan.  
 Karapatang Pag-aari © 2011 ng Every Nation Leadership Institute  
 Inilathala ng EVERY NATION PRODUCTIONS  
 P.O. Box 12229 Ortigas Center, Pasig City, Philippines



**Pagtatalik**  
Week 3

NOTES

**CONNECT**

- Sinu-sino ang mga tinitingala mong mag-asawa dahil sa kanilang pamumuhay? Bakit?
- Kapag may bago kang kagamitan, binabasa mo ba muna ang *manual* nito o sinusubukan mong gamitin na ito agad? Bakit?
- Anu-anong mga bagay o gawain ang ginagawa lamang sa inyong pamilya? Bakit nagiging espesyal ang mga ito?
- Sa palagay mo, ano ang itinuturo ng mga pelikula, musika, *magazine*, at iba pa tungkol sa pagtatalik?

## WORD

### WHAT

What does the Bible say?

<sup>24</sup>Iyan ang dahilan na iiwan ng lalaki ang kanyang ama't ina at makikipag-isa sa kanyang asawa, at silang dalawa ay magiging isa. <sup>25</sup>nang panahong iyon, kahit hubo't hubad silang dalawa, hindi sila nahihiya.

Genesis 2:24,25

Ideya ng Diyos ang pagtatalik. Ang malikhain at mapagmahal nating Diyos ay ginawa ito bilang kaganapan ng malapit na ugnayan ng mag-asawa sa loob kanilang pagmamahalan. Ngunit dahil sa kasalanan, ito ay nasira at nadumihan. Ang pang -aabuso dito ay nagtutulak sa atin na isiping ito ay bawal o maduming gawain. Ano nga ba ang sinasabi ng Bibliya tungkol dito?

- **Ang pagtatalik ay ideya ng Diyos.**

<sup>27</sup>Kaya nilikha ng Diyos ang tao na lalaki at babae ayon sa wangis niya. . . .

<sup>31</sup>Pinagmasdan ng Diyos ang lahat niyang nilikha at lubos siyang nasiyahan. . . .

Genesis 1:27,31

Lubos na nasiyahan ang Diyos sa Kanyang mga nilikha, kabilang na dito ang pagtatalik. Mawawalan ng katuwiran ang pagbibigay Niya ng kakayahan (Genesis 1:27) at pagnanais para dito sa Kanyang mga nilikha kung ipagbabawal din naman Niya ito. Hindi kinukondena ng Diyos ang pagtatalik dahil nilikha Niya ito. Anu-ano ang mga hangganang inilatag ng Diyos sa pagtatalik? Bakit Niya inilagay ang mga ito?

- **Ang pagtatalik ay inilaan ng Diyos para sa pagpaparami at para sa ikalulugod ng mag-asawa.**

At binasbasan niya sila. Sinabi niya, “Magpakarami kayo para mangalat ang mga lahi ninyo at mamahala sa buong mundo. At pamahalaan ninyo ang lahat ng hayop.”

Genesis 1:28

Pagkatapos noon, sumiping si Adan sa asawa niyang si Eva at nagbuntis ito. . . .

Genesis 4:1

Ang unang utos ng Diyos sa tao ay ang “magpakarami” at pinapakita nito na ang pagtatalik ay nilikhang banal ng Diyos. Subalit hindi lamang para sa pagpaparami ang pagtatalik. Nilikha din ng Diyos ito para sa kaluguran

ng mga mag-asawa. Ano ang sinasabi sa Genesis 4:1? Papaano nababago ang pagtanaw mo sa Diyos ng katotohanang nilikha Niya ang pagtatalik upang pagpalain ang Kanyang mga anak at upang ikalugod nila?

- **Ang pagtatalik ay eksklusibo lamang sa mag-asawa.**

<sup>24</sup>Iyan ang dahilan na iiwan ng lalaki ang kanyang ama't ina at makikipag-isa sa kanyang asawa, at silang dalawa ay magiging isa. <sup>25</sup>nang panahong iyon, kahit hubo't hubad silang dalawa, hindi sila nahihiya.

Genesis 2:24,25

Dapat ninyong pahalagahan ang pag-aasawa, at dapat ninyong iwasan ang pangangalunya. Sapagkat hahatulan ng Diyos ang mga nangangalunya at ang mga imoral.

Hebreo13:4

Sumasangayon ang Bibliya sa pagtatalik kapag ito'y napapaloob sa ugnayan ng mag-asawa. at hindi kapag ginamit ito sa labas ng pag-aasawa tulad ng pangangalunya. Maliban pa sa kasal, ganap na napag-iisang laman nito ang mag-asawa—isang samahan kung saan ang bawa't isa ay ninanais na unahin ang mga pangangailangan ng kapwa kay sa sarili. Anong kabutihan ang naidudulot ng isang ugnayan na mapagmahal at walang pagdadamot (Hebreo 13:4; Genesis 2:25)?

## SO WHAT

What is the relevance of the Word to my life?

- Anu-anong mga maling ideya tulong sa pagtatalik ang nabago ng aral na ito?
- Dahil nilikha ng Diyos ang pagtatalik para sa pagpaparami at sa ikalulugod ng mga mag-asawa, papaano nito nababago ang pagtanaw mo sa pagtatalik? Paano naman ang pagtanaw mo sa Diyos?
- Anu-anong mga kabutihan ang dinudulot ng pagiging eksklusibo ng pagtatalik sa mag-asawa?

## NOW WHAT

How do I apply the Word to my life?

- May mga pag-iisip ka ba o ideya tungkol sa pagtatalik na hindi naaayon sa Salita ng Diyos? Ano ang magagawa mo simula ngayon upang hayaang baguhin ng Diyos ang iyong isipan?
- Papaano mo maisasabuhay ang katotohanang nilikha ng Diyos ang pagtatalik para sa pagpaparami at ikalulugod ng mag-asawa?